

2. desember 1993

957

Nr. 494

AUGLÝSING

um álagningarstofn fasteignaskatts.

Fasteignamat ríkisins hefur samið skrá um álagningarstofn fasteignaskatts í samræmi við II., sbr. I. kafla laga nr. 90/1990, um tekjustofna sveitarfélaga, og er álagningarstofninn tilgreindur fyrir hverja einstaka fasteign á landinu.

Fjármálaráðuneytið hefur staðfest heildareintak skrár um álagningarstofn fasteignaskatts eins og það hefur verið ákveðið með ofangreindum hætti. Skráin mun liggja frammi til sýnis á skrifstofu Fasteignamats ríkisins, Borgartúni 21, Reykjavík, frá og með 1. janúar n.k. Jafnframt verður eigendum fasteigna send tilkynning um álagningarstofninn með tilkynningu um nýtt fasteignamat, sbr. auglýsingu nr. 465/1993 um nýtt fasteignamat.

Með vísan til laga nr. 90/1990 tilkynnir ráðuneytið hér með að álagningarstofn fasteignaskatts, sem ákveðinn hefur verið með ofangreindum hætti og fram kemur í staðfestri skrá Fasteignamats ríkisins, tekur gildi frá og með 1. janúar 1994 og fellur þá jafnframt úr gildi auglýsing nr. 428 3. desember 1992.

Fjármálaráðuneytið, 2. desember 1993.

Friðrik Sophusson.

Björn Hafsteinsson.

1. desember 1993

Nr. 495

AUGLÝSING

um breytingu á aðalskipulagi Hafnarfjarðar 1980–2000.

Samkvæmt ósk bæjarstjórnar Hafnarfjarðar hefur skipulagsstjórn ríkisins þann 10. nóvember 1993 staðfest breytingu, sbr. 3. og 4. mgr. 19. gr. skipulagslaga nr. 19/1964, á aðalskipulagi Hafnarfjarðar 1980–2000 frá 8. desember 1982.

Breytingin er í því fólgin, að fallið er frá framlengingu Hamarsbrautar að Suðurgötu.

Bæjarstjórn Hafnarfjarðar hefur lýst því yfir, að hún taki að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 1. desember 1993.

F. h. r.

Magnús Jóhannesson.

Hrafn Hallgrímsson.

Steindórsprent Gutenberg hf.